

Saopćenja

Fakultet političkih nauka u Zagrebu organizuje u prvoj polovini mjeseca novembra savjetovanje o problemima nastavnog plana.

Na savjetovanju će biti podnijeta dva referata:

1. O politologiji i njenom mjestu u sistemu savremenog političkog studija;
2. O osnovnim problemima nastavnog plana Fakulteta političkih nauka u Zagrebu.

Prvi referat podnijet će drug dr. Ljubomir Tadić, načelnik Političko-pravnog odjela Instituta društvenih nauka u Beogradu. Drugi referat podnijet će drug dr. Leon Geršković, dekan Fakulteta političkih nauka u Zagrebu, u ime Komisije za nastavni plan i programe.

Na savjetovanju učestvovat će istaknuti teoretski i javni radnici sa područja nauka koje spadaju u korpus političkih disciplina ili s njima korespondiraju.

Osim toga, na savjetovanju posebno razmotrit će se problem funkcionalizacije ovih korespondirajućih disciplina, što je, prema dosadašnjem iskustvu, jedan od bitnih problema nastavnog plana na Fakultetu političkih nauka. U tom smislu, nastavnici ovih disciplina podnijet će odgovarajuće koreferate, koji bi sa glavnim referatom činili jedinstvenu teoretsku i metodološku cjelinu.



Jugoslovensko Udruženje za političke nauke priprema da u toku jesenskog razdoblja održi svoju redovnu godišnju skupštinu u Zagrebu, čiji bi domaćin bio Fakultet političkih nauka.

Skupština bi, u jednom dijelu rada, saslušala i razmotrila referat o radu Udruženja, kao i izabrala novu upravu.

U drugom dijelu svoga rada, jugoslavenski politolozi razmatrali bi neke teoretske probleme političkih nauka, posebno odnos političke teorije i političke prakse, kao i probleme razvitka političkih nauka kod nas.